

A.G. deu CREO Aquitània

GARLIN (64) lo 14/10/17

Caras e cars collègas,

Lo CREO Aquitània que convida tots los qui son interessats per la nosta associacion a s'amassar en AG ordinària lo

dissabte 14 d'octobre a comptar de 10h00, a Garlin, en Bearn.

L'amassada que's debanarà dens la sala San Pèir (darrèr la mediatèca) dinc a 12h30. L'aperitiu que serà aufèrt.

Los qui serén interessats per disnar en seguida qu'averàn d'ac har saber au mei tard lo 7 d'octobre a l'adreça *mail* deu CREO. Que poderam minjar sus plaça dab carnsalada e tabolé comandat au carnissèr deu vilatge, dessèrt e vin comprés (10 Euros).

Que'vs prepausam de demorar lo vrèspe tà participar a escambis divers. En purmèra partida que i averà duas intervencions, l'ua deu Sèrgi Javaloyès qui presentarà lo son ensai "Au nom de la lenga", l'auta deu Felip Biu sus la lenga shiulada. La dusau partida deu vrèspe que's perseguirà dab d'un moment conviviau, obèrt a tots, dab musica (portatz los instruments!), cantas e quilhas.

Ordi deu dia :

- Rapòrt morau
- Rapòrt financèr
- Organizacion deus relais departamentaus e per nivèu d'ensenhament
- Punt sus la situacion de l'ensenhament de l'occitan (en prevision deu CALR de noveme)
- Renovelament deu CA

Se pensatz qu'ua question urgenta a d'estar evocada a l'AG, mercés de la sosmèter au burèu abans lo 07/10.

Solas las personas aderentas que poderàn préner part aus vòtes. Ua persona presenta a l'AG ne poderà pas aver mei de duas procuracions. Que poderatz aderir dinc au començar de l'AG mes que seré mei comòde tà nosauts de recèber las adesions a l'avança ! Augan l'adesion que serà de 10€.

La vita e l'accion de la nosta associacion depenerà deu nombre d'aderents com de l'implicacion deus membres. Los deu CA (e deu burèu) qu'espèran que siatz convençuts de que s'esmanegan dens l'interès de tots.

Que comptam sus la vòsta participacion... Coraument.

Per lo Burèu, lo President *J-L Landi*